

দুঃস্থ ও অসহায় শীতাত মানুষের মাঝে 'পদক্ষেপ' এর কঞ্চল বিতরণ



খুঁতু পরিক্রমায় ধীরে ধীরে শীতের আগমন ঘটে। প্রতি বছর গরিব অসহায়দের জন্য এক কক্ষের বার্তা নিয়ে আসে এই শীত। বাংলাদেশে শীতের প্রকোপ সবচেয়ে বেশি টের পাওয়া যায় উত্তরবঙ্গে এবং বেশি ভোগান্তিতে পড়েন

রংপুর বিভাগের খেটে খাওয়া মানুষ। ঠাণ্ডা বাতাসের দাপট আর ঘন কুয়াশা মিলে শীত জেঁকে ধরে এখানকার মানুষদেরকে। শির শির বাতাস আর ঘন কুয়াশায় নাকাল রংপুরের জনজীবন। তাই শীতাত অসহায় ও দুঃস্থ মানুষের উষ্ণতা দিতে সামাজিক দায়বদ্ধতা থেকে পাশে দাঁড়িয়েছে বেসরকারি উন্নয়ন সংস্থা 'পদক্ষেপ'। প্রতি বছরের ন্যায় এবছরও দেশের বিভিন্ন স্থানে শীতবস্ত্র বিতরণ করেছে পদক্ষেপ। গত ২১ জানুয়ারি ২০২৪ তারিখ 'পদক্ষেপ' রংপুর জোনের আওতায় রংপুর জেলার শীতাত মানুষের ভোগান্তি নিরসনের জন্য রংপুর জেলা প্রশাসক মোহাম্মদ মোবাস্শের হাসানের হাতে ১শ কঞ্চল প্রদান করে। এসময় রংপুর জোনের জোনাল ম্যানেজার ও সহকারী পরিচালক মোঃ ফখরুল আহমেদ'সহ সংশ্লিষ্ট ব্রাঞ্চ ম্যানেজার উপস্থিত ছিলেন।

এছাড়া দর্শনা, লালবাগ ও নাজিরদিগর অঞ্চলের ১শ জনের মাঝে কঞ্চল বিতরণ অনুষ্ঠিত হয়। অনুষ্ঠানে অন্যান্যের মধ্যে উপস্থিত ছিলেন রংপুর সদর উপজেলা চেয়ারম্যান মোসাম্মৎ



নাসিমা জামান ববি, ওয়ার্ড কমিশনার মোঃ জাকারিয়া আলম শিপলু ও মোঃ সামসুল হক'সহ এলাকার গণ্যমান্য ব্যক্তিবর্গ। পাশাপাশি গত ২২ জানুয়ারি ২০২৪ তারিখ রংপুর জেলা প্রশাসক ও 'এফএনবি' এর সহযোগিতায় নগরীর হাজেরা বেগম নুরানী হাফিজিয়া মাদ্রাসা মাঠে দুঃস্থ শীতাত মানুষের মাঝে ১৫টিসহ সর্বমোট ২১৫টি কঞ্চল বিতরণ করা হয়। অনুষ্ঠানে উপস্থিত ছিলেন অতিরিক্ত জেলা প্রশাসক হাবিবুল হাসান রুমি ও বিভিন্ন এনজিও প্রতিনিধিবৃন্দ। অপরদিকে বি-বাড়িয়া জোনের জোনাল ম্যানেজার ও সহকারী পরিচালক মোঃ মোর্শেদুজ্জামান এর তত্ত্বাবধায়নে সুনামগঞ্জের সুরমা ও দাসের বাজার ইউনিয়নে শীতবস্ত্র বিতরণ করা হয়।

অর্থমন্ত্রী মহোদয়কে পদক্ষেপ'সহ দেশের বিশিষ্ট এনজিও-এমএফআই প্রতিনিধিদের অভিনন্দন

গণপ্রজাতন্ত্রী বাংলাদেশ সরকারের নতুন মাননীয় অর্থমন্ত্রী জনাব আবুল হাসান মাহমুদ আলী এমপি মহোদয়কে অভিনন্দন ও শুভেচ্ছা জানিয়েছেন 'পদক্ষেপ' সহ দেশের বিশিষ্ট এনজিও ও এমএফআইগুলির প্রতিনিধিবৃন্দ। গত ১৫ জানুয়ারি ২০২৩ তারিখ নতুন অর্থমন্ত্রী মহোদয়ের বাসভবনে ফুলেল শুভেচ্ছা ও অভিনন্দন জানানোর সময় এক সৌজন্য বৈঠক অনুষ্ঠিত হয়। বৈঠকে এনজিও



এবং এমএফআইগুলির সাথে সম্ভাব্য সহযোগিতা, অতিরিক্ত তহবিল অর্জন এবং সেক্টরের মধ্যে সক্ষমতা বৃদ্ধিকে অগ্রাধিকার দেওয়াসহ গুরুত্বপূর্ণ বিষয়গুলি তুলে ধরা হয়। এছাড়া যোগাযোগ বাড়াতে এবং কার্যকরভাবে চ্যালেঞ্জ মোকাবেলা করার জন্য প্রতিনিধিবৃন্দ একটি যৌথ বৈঠকের প্রস্তাব উত্থাপন করেন। যেখানে এনজিও-এমএফআই সেক্টর এবং নিয়ন্ত্রক সংস্থা 'এমআরএ' উভয়ের প্রতিনিধিদের অন্তর্ভুক্ত করার বিষয়ে অনুরোধ করা হয়। পাশাপাশি সহযোগিতামূলক পদ্ধতির লক্ষ্য ভাগ করা এবং উদ্দেশ্যগুলি অর্জনের মাধ্যমে এনজিও-এমএফআই'সহ দেশের উন্নয়নে উল্লেখযোগ্যভাবে অবদান রাখতে বৈঠকে বিস্তারিত আলোচনা করা হয়। এসময় অন্যান্যের মধ্যে উপস্থিত ছিলেন 'পদক্ষেপ' এর নির্বাহী পরিচালক মোঃ সালেহ বিন সামস'সহ এনজিও-এমএফআই এর উর্ধ্বতন কর্মকর্তাবৃন্দ।

পদক্ষেপ 'লিপ' প্রোগ্রামে নতুন পণ্য টেকসই লিথিয়াম-আয়ন ব্যাটারি সংযোজন ও বিক্রয় কার্যক্রম



লিথিয়াম-আয়ন ব্যাটারি বা লি-আয়ন ব্যাটারি এক ধরনের রিচার্জেবল ব্যাটারি। সাম্প্রতিক বছরগুলিতে এই নতুন ধরনের ব্যাটারি ব্যাপক পরিচিতি লাভ করেছে। কম ওজন এবং দীর্ঘ জীবনকালের কারণে, লিথিয়াম-আয়ন ব্যাটারিগুলি ঐতিহ্যবাহী সীসা-অ্যাসিড ব্যাটারির তুলনায় উল্লেখযোগ্যভাবে উন্নত। লিথিয়াম ব্যাটারি তুলনামূলকভাবে পরিবেশবান্ধব। এই ব্যাটারি সাধারণত অন্যান্য কাজের পাশাপাশি বৈদ্যুতিক যানবাহনের জন্য ব্যবহৃত হয় এবং দিন দিন এর জনপ্রিয়তা বেড়েই চলেছে। বৈদ্যুতিক গাড়ি, বাইক, স্কুটার ও অন্যান্য বৈদ্যুতিক যানবাহনের প্রাথমিক শক্তির উৎস হিসেবে ব্যবহৃত লিথিয়াম-আয়ন ব্যাটারি একটি বৈপ্লবিক পরিবর্তন আনতে যাচ্ছে। এই ব্যাটারি ব্যবহারে বৈদ্যুতিক গাড়ির (ইভি) ব্যবহার যেমন দ্রুত বাড়বে, তেমনি বাড়বে এনার্জি সংরক্ষণের সক্ষমতাও। ফলে দেশের জ্বালানি খাতের দৃশ্যপটে বৈপ্লবিক পরিবর্তন এনে দেবে এ উদ্যোগ। এই ব্যাটারির শক্তি ঘনত্ব তুলনামূলক বেশি। এর ফলে অন্যান্য ব্যাটারি প্রযুক্তির তুলনায় লিথিয়াম-আয়ন ব্যাটারিতে চালিত যানবাহন দীর্ঘ মাইল চলে এবং তুলনামূলক ব্যাটারিগুলির দ্রুত চার্জিং ক্ষমতার কারণে কম বিদ্যুৎ খরচ হয়।



‘পদক্ষেপ লাইফ এনহান্সম্যান্ট অ্যাসিস্ট্যান্স প্রোগ্রাম (লিপ)’ এর আওতায় ২০২২ সাল থেকে দেশব্যাপী সংস্থার কর্মী ও সদস্যদের মাঝে সহজ শর্তে বিভিন্ন ধরনের পণ্য বিক্রয় করে থাকে। এছাড়া পদক্ষেপ ‘লিপ’ প্রোগ্রাম তার গ্রাহকদের প্রয়োজনীয় চাহিদার আলোকে নিত্য নতুন পণ্যও যুক্ত করে থাকে। সম্প্রতি আরও একটি পণ্য লিথিয়াম-আয়ন ব্যাটারি যুক্ত করে যুগান্তকারী উদ্যোগ গ্রহণ করেছে। পদক্ষেপ বাংলাদেশের প্রান্তিক জনগোষ্ঠীর সক্ষমতা বৃদ্ধি, বাজার সংযোগ, অর্থায়ন সহযোগিতা ও জীবনযাত্রার মান উন্নয়নে সমন্বিত উন্নয়ন কৌশল বাস্তবায়নের মাধ্যমে দেশের টেকসই উন্নয়ন লক্ষ্যমাত্রা অর্জনে গুরুত্বপূর্ণ অবদান রেখে চলেছে। এরই ধারাবাহিকতায় গত ৫ ডিসেম্বর ঢাকার বাসাবো ব্রাঞ্চে এবং ২৬ ডিসেম্বর ২০২৩ তারিখে চট্টগ্রামের কোতয়ালী ব্রাঞ্চে ২ জন সদস্যের মাঝে লিথিয়াম-আয়ন ব্যাটারি বিতরণ কার্যক্রমের উদ্বোধন করা হয়। এসময় ‘লিপ’ প্রোগ্রামের যুগ্ম পরিচালক ইঞ্জি: মোহাম্মদ রাকিবুল হাসান, ক্ষুদ্র অর্থায়ন কর্মসূচির ঢাকা রিজিওন ম্যানেজার ও উপ-পরিচালক আবুল বাসার’সহ প্রোগ্রামের সিনিয়র সহকারী পরিচালক এবং সংশ্লিষ্ট জোনাল ম্যানেজার ও অন্যান্য কর্মীবৃন্দ উপস্থিত ছিলেন।

লিথিয়াম-আয়ন ব্যাটারি ব্যবহারের ফলে ঘন ঘন ব্যাটারি প্রতিস্থাপনের প্রয়োজনীয়তা দূর হয়, কারণ একটি একক ব্যাটারি যা ৮ বছর পর্যন্ত স্থায়ী হতে পারে। ব্যাটারিতে জিপিএস সিস্টেম থাকায় ব্যবহারকারীর মোবাইল ফোনের মাধ্যমে তাদের ব্যাটারিকে দক্ষতার সাথে ট্র্যাকিং, নিয়ন্ত্রণ ও নিরাপত্তা নিশ্চিত করতে এবং ডিসপ্লে থাকায় ব্যাটারির চার্জ দেখতে সক্ষম হবে। সদস্যরা এখন পদক্ষেপ এর যেকোন ব্রাঞ্চ থেকে সরাসরি লিথিয়াম-আয়ন ব্যাটারি ক্রয় করার সুবিধার্থে ঋণ নিতে পারবেন।

ফেনীতে ‘আউট অব স্কুল চিলড্রেন এডুকেশন’ প্রোগ্রামের মাসিক শিক্ষক সমন্বয় সভা অনুষ্ঠিত



‘শিক্ষা নিয়ে গড়ব দেশ, শেখ হাসিনার বাংলাদেশ’ এই শ্লোগানকে সামনে রেখে গ্রামের অসহায়, গরিব এবং ঝড়ে পড়া শিক্ষার্থীদের মাঝে প্রকৃত শিক্ষা প্রদানের মাধ্যমে মূল শ্রোতধারায় ফিরিয়ে আনার লক্ষ্যে পদক্ষেপ ফেনী জেলায় ‘আউট অব স্কুল চিলড্রেন এডুকেশন’ প্রোগ্রামটি বাস্তবায়ন করছে। এরই ধারাবাহিকতায় গত ২২ জানুয়ারি ২০২৪ তারিখে ফুলগাজী উপজেলার মুঙ্গীরহাট আলী আজম স্কুল এন্ড কলেজ মিলনায়তনে একটি শিক্ষক সমন্বয় সভা অনুষ্ঠিত হয়। প্রাথমিক ও গণশিক্ষা মন্ত্রণালয়ের উপানুষ্ঠানিক শিক্ষা ব্যুরোর চলমান ‘আউট অব স্কুল চিলড্রেন এডুকেশন’ প্রোগ্রামের ফেনী জেলা ম্যানেজার কামরুল ইসলামের সভাপতিত্বে ও ফুলগাজীর উপজেলা প্রোগ্রাম ম্যানেজার মো: মোর্শেদ এর পরিচালনায় শিক্ষক সমন্বয় সভাটি অনুষ্ঠিত হয়। উক্ত সভায় উপানুষ্ঠানিক শিক্ষা ব্যুরোর সহকারী পরিচালক প্রধান অতিথি হিসেবে উপস্থিত ছিলেন। সভায় উপজেলার প্রায় ৭০ জন শিক্ষক ও ৫ জন সুপারভাইজার উপস্থিত থেকে নিজেদের কাজের মূল্যায়ন তুলে ধরেন। এ সময় শিক্ষকরা ছাত্রদের উপবৃত্তি, পাঠ্য পুস্তক ও শিক্ষা কার্যক্রম বিষয়ে আলোচনা করেন এবং একই সাথে মাঠ পর্যায়ে চলমান সমস্যা ও সমাধানের বিষয়েও বিস্তারিত আলোচনা করা হয়। এছাড়া শিশুর অধিকার, শিক্ষা, স্বাস্থ্য, পুষ্টি, সুরক্ষা, উন্নয়ন ও বিকাশে সংশ্লিষ্ট সবাইকে অধিকতর উদ্যোগী ও সচেতনতা বৃদ্ধির জন্য সভায় বিস্তারিত আলোচনা করেন বক্তারা। বর্তমানে ফুলগাজী উপজেলার ৭০টি উপানুষ্ঠানিক শিক্ষা প্রতিষ্ঠানের মাধ্যমে ২১০০ জন শিক্ষার্থীদের পাঠদান কার্যক্রম চলমান রয়েছে।

পদক্ষেপ দেশের আর্থসামাজিক উন্নয়নের অগ্রযাত্রায় অগ্রগামী ভূমিকা পালন করে যাচ্ছে। বিশেষ করে পিছিয়ে পড়া অঞ্চলে স্বাস্থ্য, শিক্ষা ও কর্মসংস্থান সৃষ্টিতে টেকসই উন্নয়ন অর্জনের লক্ষ্যে বিভিন্ন কার্যক্রম পরিচালনা করছে। শিশুদেরকে স্কুলে ফিরিয়ে আনা, প্রত্যন্ত অঞ্চলে স্বাস্থ্য সেবা প্রদান, নারীদেরকে দক্ষতা উন্নয়ন প্রশিক্ষণ ও আয়বর্ধনমূলক কর্মকাণ্ডে সংযুক্ত করাসহ সার্বিক উন্নয়নে কাজ করে যাচ্ছে ‘পদক্ষেপ’।



'আরএমটিপি' প্রকল্পের আওতায় 'Good Handling Practice' বিষয়ক প্রশিক্ষণ



ক্ষুদ্র উদ্যোগ খাতের উন্নয়ন দেশের সামগ্রিক অর্থনীতির জন্য অত্যন্ত জরুরি। এ খাতে বিকাশের লক্ষ্যে এবং প্রান্তিক পর্যায়ের উৎপাদক ও ক্ষুদ্র উদ্যোক্তাদের জন্য যথাযথ অর্থায়নসহ অন্যান্য উপাদান এবং চ্যালেঞ্জ মোকাবেলায় 'রুরাল মাইক্রো এন্টারপ্রাইজ ট্রান্সফরমেশন প্রজেক্ট (আরএমটিপি)' প্রকল্পটি অত্যন্ত সহায়ক ভূমিকা রাখবে। উদ্ভাবনমূলক প্রযুক্তি সন্নিবেশিত করে ও আদর্শ পদ্ধতি অনুসরণ করে প্রকল্পটি নিরাপদ ও পুষ্টিসমৃদ্ধ উচ্চমূল্যমানের কৃষিপণ্যের উৎপাদন ও বাজার সম্প্রসারণে দেশের ৪.৫ লক্ষ ক্ষুদ্র উদ্যোক্তাকে প্রত্যক্ষ সহায়তা প্রদানের লক্ষ্যে 'আরএমটিপি' প্রকল্পটি কাজ করবে। আন্তর্জাতিক কৃষি উন্নয়ন তহবিল (ইফাদ) ও ডানিডা এর যৌথ অর্থায়নে এবং 'পল্লী কর্ম সহায়ক ফাউন্ডেশন (পিকেএসএফ)' এর কারিগরি ও সার্বিক সহযোগিতায় গোপালগঞ্জ জেলার ৫টি উপজেলায় প্রকল্পের আওতায় 'নিরাপদ মৎস্য পণ্য উৎপাদন ও বাজারজাতকরণ' শীর্ষক ভ্যালু চেইন উপ-প্রকল্পের বিভিন্ন কার্যক্রম মাঠ পর্যায়ে বাস্তবায়ন করছে পদক্ষেপ। প্রকল্পের মূল লক্ষ্য হলো "ভ্যালু চেইন উন্নয়ন কর্মকাণ্ডের মাধ্যমে প্রকল্পভুক্ত প্রান্তিক ও ক্ষুদ্র মৎস্যচাষী এবং ক্ষুদ্র উদ্যোক্তাদের আয় বৃদ্ধি, বাজার সংযোগ, খাদ্য নিরাপত্তা ও পুষ্টি পরিস্থিতি টেকসইভাবে উন্নত করা"।



বিষয়ে দিনব্যাপি দক্ষতা উন্নয়ন বিষয়ক প্রশিক্ষণ প্রদান করা হয়। প্রকল্পের আওতায় উক্ত প্রশিক্ষণ প্রদান করেন গোপালগঞ্জ সদর উপজেলার সহকারী মৎস্য কর্মকর্তা সায়েদুল ইসলাম ভূইয়া ও স্মার্ট ফিশ পয়েন্ট এর স্বত্বাধিকারী মোঃ আশিকুর রহমান খান (ডিপ্লোমা কৃষিবিদ) এবং প্রকল্পের ভ্যালু চেইন ফ্যাসিলিটের মোঃ লেমন মিয়া প্রশিক্ষণ প্রদান করেন। প্রশিক্ষণসমূহের সার্বিক সহযোগিতায় ছিলেন টুঙ্গিপাড়া উপজেলার সহকারী ভ্যালু চেইন ফ্যাসিলিটের মোঃ শহিদুল ইসলাম ও গোপালগঞ্জ সদর উপজেলার মোঃ তারেক ব্যাপারী।

লিড ফার্মারদের উত্তম মৎস্য চাষ অনুশীলন ও আধুনিক প্রযুক্তি ব্যবহার বিষয়ক প্রশিক্ষণ প্রদান



'আরএমটিপি' প্রকল্পের আওতায় গত ১০ ও ১১ জানুয়ারি ২০২৪ তারিখে গোপালগঞ্জ সদর উপজেলার, গোপালগঞ্জ এরিয়া অফিসে এবং ১৪ ও ১৫ জানুয়ারি ২০২৪ তারিখে টুঙ্গিপাড়া উপজেলার, গোপালপুর সরকারি প্রাথমিক বিদ্যালয়ে প্রকল্পের ৪০ জন লিড ফার্মারকে দুইদিন ব্যাপি 'উত্তম মৎস্য চাষ অনুশীলন' ও 'মৎস্য চাষে আধুনিক প্রযুক্তি ব্যবহার' বিষয়ক দক্ষতা উন্নয়ন বিষয়ক প্রশিক্ষণ প্রদান করা হয়। প্রতি ব্যাচে ২০ জন লিড ফার্মারকে প্রশিক্ষণ প্রদান করা হয়।

প্রশিক্ষণ প্রদান করেন প্রকল্পের ভ্যালু চেইন ফ্যাসিলিটের মোঃ লেমন মিয়া, গোপালগঞ্জ সদর উপজেলার সহকারী মৎস্য কর্মকর্তা সায়েদুল ইসলাম ভূইয়া এবং টুঙ্গিপাড়া উপজেলার সহকারী মৎস্য কর্মকর্তা মোঃ রবিউল ইসলাম প্রশিক্ষণ প্রদান করেন। প্রশিক্ষণসমূহের সার্বিক সহযোগিতায় ছিলেন টুঙ্গিপাড়া ও গোপালগঞ্জ সদর উপজেলার সহকারী ভ্যালু চেইন ফ্যাসিলিটের মোঃ শহিদুল ইসলাম ও মোঃ তারেক ব্যাপারী।

'ক্ষুদ্র উদ্যোক্তা ও উৎপাদনকারী সমিতির সদস্যদের 'ব্যবসা ব্যবস্থাপনা' বিষয়ক প্রশিক্ষণ



'আরএমটিপি' প্রকল্পের আওতায় গত ১৬ জানুয়ারি ২০২৪ তারিখে টুঙ্গিপাড়া উপজেলার, ভেল্লাবাড়ি সরকারি প্রাথমিক বিদ্যালয়ে প্রকল্পের আওতায় নিরাপদ মৎস্য ও মৎস্য পণ্য বিপণন এবং পরিবহনে নিয়োজিত ক্ষুদ্র উদ্যোক্তা ও উৎপাদনকারী সমিতির ২৫ জন মৎস্যচাষীকে দিনব্যাপি 'ব্যবসা ব্যবস্থাপনা' বিষয়ক দক্ষতা উন্নয়ন প্রশিক্ষণ প্রদান করা হয়। প্রশিক্ষণ প্রদান করেন টুঙ্গিপাড়া উপজেলার গিমাডাঙ্গা সরকারি উচ্চ বিদ্যালয়ের ব্যবসা ব্যবস্থাপনা বিষয়ক শিক্ষক

মোঃ সাইদুর ইসলাম এবং প্রকল্পের ভ্যালু চেইন ফ্যাসিলিটের মোঃ লেমন মিয়া। প্রশিক্ষণটির সার্বিক সহযোগিতায় ছিলেন টুঙ্গিপাড়া উপজেলার সহকারী ভ্যালু চেইন ফ্যাসিলিটের মোঃ শহিদুল ইসলাম।

'আরবান প্রাইমারি হেলথ কেয়ার সার্ভিসেস' ডেলিভারি' প্রজেক্টের ২টি মেডিকেল ক্যাম্প



পদক্ষেপ কর্তৃক বাস্তবায়নাধীন 'আরবান প্রাইমারি হেলথ কেয়ার সার্ভিসেস ডেলিভারি' প্রজেক্ট-২ এর আওতায় জানুয়ারি মাসে ২টি মেডিকেল ক্যাম্পের আয়োজন করা হয়। এরমধ্যে গত ২৫ জানুয়ারি ২০২৪ তারিখে 'সিআরএইচসিসি' এর মাধ্যমে জামালপুর পৌরসভার কম্পুর মাঠপার এলাকার হবিবুর রহমান মনোয়ারা উচ্চ বিদ্যালয়ে ১টি এবং ২৯ জানুয়ারি ২০২৪ তারিখে নগর মাতৃসদন এর পক্ষ থেকে জঙ্গলপাড়া মাধ্যমিক বিদ্যালয়ে আরও ১টি মেডিকেল ক্যাম্পের আয়োজন করা হয়। মেডিকেল ক্যাম্প দু'টিতে বিনামূল্যে স্বাস্থ্য সেবা প্রদান, রক্ত পরীক্ষা, গর্ভবতী মা ও কিশোরীদের স্বাস্থ্য শিক্ষা প্রদানের পাশাপাশি পুষ্টিকর খাবার প্রদান করা হয়।

জামালপুর 'নগর মাতৃসদন কেন্দ্র' পরিদর্শন



পদক্ষেপ কর্তৃক বাস্তবায়নাধীন 'আরবান প্রাইমারি হেলথ কেয়ার সার্ভিসেস ডেলিভারি' প্রকল্প-২য় এর আওতায় গত ২৩ জানুয়ারি ২০২৪ তারিখে জামালপুর পৌরসভার পিএ-০৯ এর অধীন নগর মাতৃসদন কেন্দ্র পরিদর্শন করেন জামালপুর পৌরসভার মেয়র জনাব মো: ছানোয়ার হোসেন ছানু। এসময় পৌর নির্বাহী কর্মকর্তা এবং পৌরসভার সকল কাউন্সিলরগণ উপস্থিত ছিলেন। পরিদর্শনকালে প্রকল্পের সেবার মান ও অবকাঠামোগত উন্নয়ন দেখে তাঁরা সন্তোষ প্রকাশ করেন।

জামালপুরে 'ইপিআই' টিকা কার্যক্রম



পদক্ষেপ কর্তৃক বাস্তবায়নাধীন 'আরবান প্রাইমারি হেলথ কেয়ার সার্ভিসেস ডেলিভারি' প্রকল্প-২য় এর আওতায় জামালপুর পৌরসভা, পিএ-০৯ এর অধীন নগর মাতৃসদন ও ২টি নগর স্বাস্থ্য কেন্দ্রের মাধ্যমে ইপিআই ভ্যাকসিন কার্যক্রম শুরু করা হয়। গত ১০ জানুয়ারি ২০২৪ তারিখে নগর স্বাস্থ্য কেন্দ্র-১ এ টিকা কার্যক্রমের উদ্বোধন করা হয়। প্রকল্পের নগর স্বাস্থ্য কেন্দ্রের মাধ্যমে গর্ভবতী মা, শিশু ও কিশোরীদের সকাল ৯টা থেকে এ কার্যক্রম শুরু হয়।

জলবায়ু সহনশীল হাওর প্রকল্পের কমিউনিটি গ্রুপের সভা



পদক্ষেপ কর্তৃক সুনামগঞ্জ জেলার জামালগঞ্জ উপজেলার লম্বাবাঁক হাটিতে বাস্তবায়িত Climate-resilient Infrastructure for Sustainable Community Life in The Haor Region of Bangladesh প্রকল্পে গত ১৭ জানুয়ারি ২০২৪ তারিখে ব্রিক গ্র্যাভিটি ওয়াল এলাইনমেন্ট ও ঘাট এরিয়া চিহ্নিতকরণ কাজে একটি কমিউনিটি গ্রুপের আলোচনা সভা অনুষ্ঠিত হয়। উক্ত আলোচনা সভায় লম্বাবাক হাটির ইউপি সদস্য ও জমি দাতাদের সাথে ব্রিক গ্র্যাভিটি ওয়াল এলাইনমেন্ট ও ঘাট এরিয়া চিহ্নিতকরণে বিস্তারিত আলোচনা হয়। আলোচনা সভায় লে আউট অনুযায়ী ব্রিক গ্র্যাভিটি ওয়াল ও ঘাট নির্মাণে কমিউনিটি গ্রুপের কোন আপত্তি নেই বলে সম্মতি পত্র প্রদান করেন। নকশা অনুযায়ী ৪টি ঘাট বিদ্যমান থাকা সত্ত্বেও কমিউনিটি গ্রুপ আলোচনার মাধ্যমে ৫টি ঘাট করার জোর দাবি জানান। 'সিইজিআইএস' প্রদত্ত নকশার ডিজাইন অনুযায়ী লে আউট মাপ সরেজমিনে পুনরায় পরিদর্শন করার সময় আংশিক পরিবর্তন পরিলক্ষিত হয় এবং পরিবর্তিত লে আউটে রেড ফ্ল্যাগিং করা হয়। এছাড়া Community Plinth Rising এর ব্যাপারে স্কুল কমিটির সাথে আলোচনা হয় এবং এ বিষয়ে তাদের কোন আপত্তি নেই বলে জানান। এ সময় পদক্ষেপ এর সিনিয়র সহকারী পরিচালক ইঞ্জিঃ মোহাম্মদ জহিরুল ইসলাম, ব্যবস্থাপক মাসুমা আহমেদ কণা, সুনামগঞ্জ এরিয়ার এরিয়া ম্যানেজার বিশুজিত রায়, জামালগঞ্জ ব্রাঞ্চের ব্রাঞ্চ ম্যানেজার তপন কুমার পাল সহ অন্যান্য ব্যক্তিবর্গ উপস্থিত ছিলেন। 'পল্লী কর্ম-সহায়ক ফাউন্ডেশন (পিকেএসএফ)' ও 'জিআইজেড' এর আর্থিক সহায়তায় প্রকল্পটি সুনামগঞ্জ জেলায় বাস্তবায়িত হচ্ছে।

'আইসিভিজিডি' প্রকল্পে সম্বনিত মানব ও উদ্যোক্তা উন্নয়ন বিষয়ক প্রশিক্ষণ



'পদক্ষেপ' কর্তৃক বাস্তবায়নাধীন 'ইনভেস্টমেন্ট কম্পোনেন্ট ফর ভালন-রেবল গ্রুপ ডেভেলপমেন্ট (আইসিভিজিডি)' প্রকল্পে জানুয়ারি মাসে ২৮টি গ্রুপে ৬৮৮ জন সুবিধাভোগীদেরকে ৪ দিনের সম্বনিত মানব উন্নয়ন বিষয়ে প্রশিক্ষণ প্রদান করা হয়। একই সাথে ১৩০টি গ্রুপে ৩২২৮ জন সুবিধাভোগীর ৬ দিনের উদ্যোক্তা উন্নয়ন বিষয়ে প্রশিক্ষণ সম্পন্ন হয়। সংশ্লিষ্ট ইউনিয়ন পরিষদ ভবনে অনুষ্ঠিত প্রশিক্ষণগুলো মহিলা বিষয়ক অধিদপ্তরের কর্মকর্তাবৃন্দ পরিদর্শন করেন। এছাড়া লাইভলিহুড ফ্যাসিলিটিটরগণ সুবিধাভোগীদের বাড়ি পরিদর্শন ও তাদের সাথে মতবিনিময় করেন।

'সারাদেশে পুকুর, খাল উন্নয়ন' প্রকল্পের আওতায় হাঁস পালন, মাছ চাষ ও সবজি চাষ প্রশিক্ষণ



পদক্ষেপ কর্তৃক বাস্তবায়নাধীন স্থানীয় সরকার প্রকৌশল অধিদপ্তর এর 'সারাদেশে পুকুর, খাল উন্নয়ন' প্রকল্পের আওতায় গত ২৩ জানুয়ারি ২০২৪ তারিখে আয়বর্ধনমূলক প্রশিক্ষণ কর্মসূচির আওতায় হাঁস পালন, মাছ চাষ ও সবজি চাষ প্রশিক্ষণের আয়োজন করা হয়। খুলনা বিভাগে ঝিনাইদহ জেলার কালীগঞ্জ উপজেলার সোনালীডাঙ্গা খালপাড়ের ৪০ জন উপকারভোগীদের নিয়ে দিনব্যাপি প্রশিক্ষণটি কালীগঞ্জ উপজেলা মিলনায়তনে অনুষ্ঠিত হয়। উক্ত প্রশিক্ষণে প্রধান অতিথি হিসেবে উপস্থিত ছিলেন ঝিনাইদহ সদর

উপজেলা প্রকৌশলী জনাব মোঃ আহসান হাবিব। এছাড়া বিশেষ অতিথি হিসেবে উপজেলা নির্বাহী অফিসার জনাব ইশরাত জাহান, কালীগঞ্জ উপজেলা পরিষদ চেয়ারম্যান জনাব মোঃ আবুল কালাম আজাদ, বারবাজার ইউনিয়ন পরিষদ চেয়ারম্যান জনাব জাহাঙ্গীর সিদ্দিক, উপজেলা এলজিইডি'র প্রকৌশলী জনাব আবুল কালাম আজাদ উপস্থিত ছিলেন। প্রশিক্ষণে উপকারভোগীদেরকে পল্লী সঞ্চয় ব্যাংকের ব্যবস্থাপকগণ প্রকল্পের আওতায় সমিতির সদস্যভুক্তি এবং প্রতিষ্ঠানের ঋণ সুবিধা প্রদানের বিষয়ে সার্বিক সহযোগিতার আশ্বাস দেন।



এছাড়া ২৫ জানুয়ারি ২০২৪ তারিখে 'সারাদেশে পুকুর, খাল উন্নয়ন' প্রকল্পের আওতায় ঢাকা বিভাগে ফরিদপুর জেলার, ফরিদপুর উপজেলা সদরে মাসুদ জয়ার খালপাড়ের ৪০ জন উপকারভোগীদের নিয়ে উপজেলা ইউনিয়ন পরিষদে প্রশিক্ষণের আয়োজন করা হয়। প্রশিক্ষণে ফরিদপুর জেলার এলজিইডি'র নির্বাহী প্রকৌশলী মোঃ শহিদুজ্জামান খান বিশেষ অতিথি হিসেবে উপস্থিত থেকে দিনব্যাপি প্রশিক্ষণের উদ্বোধন করেন। প্রশিক্ষণে মাসুদ জয়ার খালপাড়ের ৪০ জন উপকারভোগী অংশগ্রহণ করেন। প্রশিক্ষণে হাঁস পালন, মাছ ও সবজি চাষ এবং গরু মোটাজাকরণ বিষয়ে পল্লী সঞ্চয় ব্যাংকের ব্যবস্থাপকগণ উপকারভোগীদের প্রকল্পের আওতায় সমিতির সদস্যভুক্তি এবং প্রতিষ্ঠানের ঋণ সুবিধা প্রদানের বিষয়ে সার্বিক সহযোগিতার আশ্বাস দেন।

'রেইজ' প্রকল্পের 'ঝুঁকি ব্যবস্থাপনা ও ব্যবসায় ধারাবাহিকতা' বিষয়ক প্রশিক্ষণ



'রিকভারি এন্ড এডভান্সমেন্ট অব ইনফরমাল সেক্টর এমপ্লয়মেন্ট (রেইজ)' প্রকল্পের আওতায় জানুয়ারি ২০২৪ এ আশুগঞ্জ ব্রাঞ্চে ৯টি ব্যাচের ৩ দিনব্যাপি প্রশিক্ষণ কার্যক্রম অনুষ্ঠিত হয়েছে। উক্ত প্রশিক্ষণে সহায়ক হিসেবে ভূমিকা পালন করেন প্রকল্পের কর্মকর্তাবৃন্দ ও সংশ্লিষ্ট জোনের সহকারী পরিচালক ও জোনাল ম্যানেজার এবং এরিয়া ও ব্রাঞ্চ ম্যানেজারবৃন্দ। প্রকল্পের উপকারভোগীদের অংশগ্রহণে প্রশিক্ষণটি অনুষ্ঠিত হয়। কোভিড-১৯ এ ক্ষতিগ্রস্ত ক্ষুদ্র উদ্যোক্তাদের ব্যবসায়িক কার্যক্রম পুনরায় সচল রাখার লক্ষ্যে এবং তাদের সক্ষমতা বৃদ্ধি অর্থাৎ উদ্যোগ/ব্যবসায় ঝুঁকি মোকাবেলা ও ব্যবসায় সফলতা অর্জনের জন্য ৩ দিনব্যাপি "ঝুঁকি ব্যবস্থাপনা এবং ব্যবসায় ধারাবাহিকতা" বিষয়ক মোট ৮৫টি প্রশিক্ষণ গত ফেব্রুয়ারি ২০২৩ থেকে শুরু করে ডিসেম্বর ২০২৩ তারিখ পর্যন্ত প্রকল্পের কর্ম এলাকার ১০টি জেলার ৮টি জোন, ১৫টি উপজেলার ১০টি এরিয়া ও ১৫টি ব্রাঞ্চে বাস্তবায়ন করা হয়েছে। প্রশিক্ষণের মূল উদ্দেশ্য ছিলো, ব্যবসায় পরিকল্পনা; আর্থিক ব্যবস্থাপনা (আয়-ব্যয়ের হিসাব); ব্যবসায় ঝুঁকি বিশ্লেষণ করা; ঝুঁকি ব্যবস্থাপনার বিভিন্ন পদক্ষেপ ও প্রয়োজনীয় ব্যবস্থা গ্রহণ; সুষ্ঠু পরিকল্পনা মাসিক ব্যবসা পরিচালনা করা এবং ব্যবসাকে ধারাবাহিকভাবে এগিয়ে নেয়া। 'পল্লী কর্ম-সহায়ক ফাউন্ডেশন (পিকেএসএফ)' এবং বিশ্ব ব্যাংকের আর্থিক ও কারিগরি সহায়তায় পরিচালিত পদক্ষেপ দেশের ১৫টি জেলার ২২টি উপজেলায় শহর ও উপ-শহর এলাকায় মোট ২৫টি ব্রাঞ্চে মাধ্যমে 'রেইজ' প্রকল্পটি বাস্তবায়ন করছে।

'রেইজ' প্রকল্পের শিক্ষানবিশি কার্যক্রম



'রেইজ' প্রকল্পের শিক্ষানবিশি (Apprenticeship) প্রশিক্ষণ একটি চলমান কার্যক্রম। এর উদ্দেশ্য হলো, প্রকল্পের আওতায় স্বল্প-আয়ের পরিবারভুক্ত তরুণ-তরুণীদের মাস্টার ক্রাফট পার্সন/দক্ষ ও অভিজ্ঞ কারিগরের অধীনে অনানুষ্ঠানিকভাবে হাতে-কলমে প্রশিক্ষণ প্রদানের মাধ্যমে দক্ষতা বৃদ্ধি; মজুরিভিত্তিক এবং স্ব-কর্মসংস্থানে সহায়তা; ব্যবসা আরম্ভ করার জন্য অন্তর্ভুক্তিমূলক অর্থায়ন করা। ঢাকার আদাবর, মিরপুর ও মোহাম্মদপুর এই ৩টি কর্মএলাকায় উক্ত প্রকল্পের কার্যক্রমগুলো বাস্তবায়ন করা হচ্ছে। কর্ম-এলাকাসমূহে মোট ৫০ জন মাস্টার ক্রাফট-পার্সন/দক্ষ ও অভিজ্ঞ কারিগরের অধীনে ১০০জন শিষ্য/শিক্ষানবিশকে গুরু-শিষ্য পদ্ধতিতে বিভিন্ন ট্রেডে ৬ মাসব্যাপি কারিগরি প্রশিক্ষণ প্রদান করে আসছে। এরই ধারাবাহিকতায় ডিসেম্বর ২০২৩ মাসে চলমান প্রশিক্ষণ কার্যক্রমগুলো অনুষ্ঠিত হয়েছে। প্রশিক্ষণের বিষয়গুলো হলো- "ফ্যাশন গার্মেন্টস/ড্রেস মেকিং ও টেইলোরিং, মোবাইল ফোন সার্ভিসিং, সেলাই মেশিন অপারেশন, স্মল ইঞ্জিনিয়ারিং এবং মেটাল ওয়ার্কস, আইটি সাপোর্ট টেকনিশিয়ান, বেকিং ও পেস্ট্রি প্রিপারেশন, কনজুমার ইলেকট্রনিক্স, ইলেকট্রিক্যাল ইন্সটলেশন এন্ড মেইনটেনেন্স, হাউজকিপিং এন্ড ফুড এন্ড বেভারেজ সার্ভিসিং, মোটর সাইকেল সার্ভিসিং এবং কার্পেন্ট্রি ইত্যাদি"।

'রেইজ' প্রকল্পের 'কমিউনিটি আউটরিচ' কার্যক্রম



কমিউনিটি আউটরিচ কার্যক্রমটি প্রকল্পের কর্মএলাকায় টেলিফোনিক যোগাযোগ, লিপলেট, পোস্টার বিতরণ এবং উঠান বৈঠকের মাধ্যমে বাস্তবায়ন করা হচ্ছে। উক্ত কমিউনিটি আউটরিচ প্রোগ্রামে অংশগ্রহণকারীদের সাথে প্রকল্পের অন্তর্ভুক্ত পিছিয়ে পড়া ক্ষুদ্র উদ্যোক্তাদের সক্ষমতা বৃদ্ধির জন্য প্রশিক্ষণ ও তাদের উদ্যোগের সম্প্রসারণের জন্য অর্থায়ন এবং স্বল্প আয়ের পরিবারভুক্ত তরুণদের শিক্ষানবিশি (Apprenticeship) কার্যক্রমের আওতায় প্রশিক্ষণ ও তাদের কর্মসংস্থানে সহায়তা প্রদানের জন্য অর্থায়ন এবং অর্থনৈতিক অন্তর্ভুক্তিমূলক কর্মসূচি বিষয়ে ও তাদের পরিবারের সদস্যদের প্রকল্পের কার্যক্রমে সম্পৃক্ত করতে আলোচনা করা হয়। এছাড়া জনসচেতনতামূলক বিভিন্ন বিষয় যেমন- পুষ্টি, মাদকাসক্তি, যৌতুক, বাল্যবিবাহ, ইভটিজিং, জঙ্গিবাদ ও সন্ত্রাসবাদ বিষয়ে আলোচনা করা হয়।

'বঙ্গবন্ধু উচ্চশিক্ষা বৃত্তি' প্রদান



সংস্থার সাথে সম্পৃক্ত সদস্য এবং সকল পর্যায়ে কর্মরত কর্মীর মেধাবী সন্তানদেরকে 'বঙ্গবন্ধু উচ্চশিক্ষা বৃত্তি' প্রদান করে আসছে পদক্ষেপ। জুলাই হতে ডিসেম্বর ২০২৩ পর্যন্ত সময়ে নতুনভাবে ৬ জন শিক্ষার্থীকে বৃত্তি প্রদান করা হয়েছে। বৃত্তিপ্ৰাপ্তরা হলেন, যশোর জোন হতে জেসমিন খাতুন (চ.বি.), রিয়া খাতুন (রা.বি.), রংপুর জোনের সপ্তাট মোহন জয় (হাজী মো: দানেশ বিজ্ঞান ও প্রযুক্তি বিশ্ববিদ্যালয়) সাদিয়া খন্দকার লোনা (রা.বি.), মো: মিনহাজুর রহমান সেতু (রা.বি.) ও শাহজাদা মোহাম্মদ মুরাদ পারভেজ (শেরেবাংলা কৃষি বিশ্ববিদ্যালয়)। বৃত্তির জন্য নির্বাচিত প্রত্যেক শিক্ষার্থীকে এককালীন ১০ হাজার এবং প্রতিমাসে ৩ হাজার টাকা করে শিক্ষাবৃত্তি প্রদান করা হয় যা তাদের চলমান ডিগ্রি শেষ না হওয়া পর্যন্ত অব্যাহত থাকবে। এ পর্যন্ত ৪০ জন মেধাবী শিক্ষার্থীকে পদক্ষেপ কর্তৃক সর্বমোট ১৯.৬৬ লক্ষ টাকার বৃত্তি প্রদান করা হয়েছে। উল্লেখ্য, পদক্ষেপ এর সাথে সম্পৃক্ত সদস্য এবং সংস্থার সকল পর্যায়ে কর্মরত কর্মী/কর্মকর্তাদের মেধাবী সন্তানদেরকে বৃত্তি প্রদানের জন্য ২০২১ সালের জুলাই থেকে পদক্ষেপ “বঙ্গবন্ধু উচ্চশিক্ষা বৃত্তি” চালু করে।

এ মাসে 'রেমিটেন্স' লেনদেন হয়েছে ৯০টি

জানুয়ারি ২০২৪ মাসে বিভিন্ন ব্রাঞ্চের মাধ্যমে মোট ৯০ জন গ্রাহককে ৩৯.০৬ লক্ষ টাকা রেমিটেন্সের অর্থ প্রদান করা হয়েছে। এভাবে এপর্যন্ত পদক্ষেপ মোট ১,৬০,৩৪৯ জন গ্রাহককে ৫৯৭.২৮ কোটি টাকা রেমিটেন্সের অর্থ প্রদান করেছে। উল্লেখ্য যে, ক্ষুদ্রঋণ কার্যক্রমের সাথে পদক্ষেপ দেশব্যাপী মানিগ্রাম, ট্রান্স-ফাস্ট, এক্সপ্রেস মানি, সিবিএল মানি ট্রান্সফার, ইজেড রেমিট, আল জাদিদ, আফতাব কারেন্সি, ইউনিমনি, ইনস্ট্যান্ট ক্যাশ, ওয়েস্টার্ন ইউনিয়ন ও রিয়া'সহ মোট ২৮টি এক্সচেঞ্জ হাউজ/প্রতিষ্ঠানের মাধ্যমে দ্রুততম সময়ে বিদেশ হতে প্রেরিত রেমিটেন্স গ্রাহকের হাতে পৌঁছে দিচ্ছে।

ডিসেম্বর মাসে প্রশিক্ষণ পেয়েছে ৩৬২ জন

জানুয়ারি ২০২৪ মাসে অভ্যন্তরীণভাবে পদক্ষেপ এর প্রধান কার্যালয়ে যুগ্ম পরিচালক পদে ১ জন, সিনিয়র সহকারী পরিচালক পদে ১ জন ও রিসিপশনিস্ট ও একাউন্টস অফিসার পদে ২ জন এবং ক্ষুদ্র অর্থায়ন কর্মসূচির মাঠ পর্যায়ে নতুন নিয়োগপ্রাপ্ত কমিউনিটি ম্যানেজার পদে ১৩৭ জন ও সিনিয়র ব্যবস্থাপক ও এরিয়া ম্যানেজার পদে ৩ জনকে 'বেসিক ওরিয়েন্টেশন' বিষয়ে এবং শিক্ষানবিশিকাল উত্তীর্ণ কমিউনিটি ম্যানেজার পদে ১৭৮ জনকে 'দলীয় গতিশীলতা সঞ্চয় ও ক্ষুদ্রঋণ ব্যবস্থাপনা' বিষয়ে এবং প্রধান কার্যালয়ের ৩৭ জন উর্ধ্বতন কর্মীদের 'আর্থিক প্রতিবেদন আইন-২০১৫' বিষয়ে প্রশিক্ষণ প্রদান করা হয়েছে। পাশাপাশি বহিঃউৎস 'সিডিএফ' কর্তৃক 'Promoting Leadership in Microfinance Institutions' বিষয়ে ১ জন ব্রাঞ্চ ম্যানেজারকে, 'পিকেএসএফ' কর্তৃক 'Training of Trainers (TOT)' বিষয়ে ১ জন সিনিয়র ব্যবস্থাপক ও এরিয়া ম্যানেজারকে এবং 'Human Resource Management' বিষয়ে ১ জন সিনিয়র ব্যবস্থাপককে প্রশিক্ষণ প্রদান করা হয়েছে।

এ মাসে 'পিআইডিএম' সেবা দিয়েছে ১০৬০ জনকে

পদক্ষেপ তার নিজস্ব প্রশিক্ষণ কেন্দ্র পিআইডিএম-এ পদক্ষেপ'সহ সরকারি বেসরকারি প্রতিষ্ঠানের সহযোগিতায় ও যৌথ ব্যবস্থাপনায় বিভিন্ন বিষয়ভিত্তিক প্রশিক্ষণ প্রদান কার্যক্রম সুষ্ঠুভাবে বাস্তবায়ন করে আসছে। এরই ধারাবাহিকতায় জানুয়ারি ২০২৪ মাসে পদক্ষেপ'সহ ২৪টি উন্নয়ন সহযোগী সংস্থার মোট ১০৬০ জন কর্মী/উপকারভোগীর অংশগ্রহণে ৬টি সভা ও ১৫টি প্রশিক্ষণ ব্যাচের জন্য খাদ্য, ভেন্যু ও আবাসন সেবা প্রদান করা হয়েছে।

এ মাসে ২৩৪ জনকে নিয়োগ দিয়েছে পদক্ষেপ

জানুয়ারি ২০২৪ মাসে পদক্ষেপ এর প্রধান কার্যালয়ের মাইক্রোফাইন্যান্স অপারেশন ডিভিশনে (রিস্ক ম্যানেজমেন্ট এন্ড ক্রেডিট অ্যানালিস্ট) অ্যাডভাইজার পদে ১ জন, আইসিটি বিভাগে পরিচালক পদে ১ জন ও সিনি: ম্যানেজার (নেটওয়ার্কিং) পদে ১ জন, পদক্ষেপ স্কুল এন্ড কলেজে উপদেষ্টা (শিক্ষা) পদে ১ জন, মাইক্রোফাইন্যান্স বিভাগে উপ-পরিচালক পদে ১ জন ও রিজিয়নাল ম্যানেজার পদে ১ জন, মানব সম্পদ ও প্রশাসন বিভাগে সিনি: ম্যানেজার (অটোমোবাইল) পদে ১ জন, সিনি: ম্যানেজার পদে ১ জন ও রিসিপশনিস্ট পদে ১ জন এবং প্রোগ্রাম উইং-এ অ্যাকাউন্টস অফিসার পদে ১ জনকে নিয়োগ প্রদান করা হয়েছে।

এছাড়া মাঠ পর্যায়ে 'ইউপিএইচসিএসডিপি-২' প্রকল্পে জামালপুরে নার্স পদে ১ জন, রিসিপশনিস্ট পদে ১ জন, ক্লিনিক এইড পদে ১ জন, অ্যাডমিনিস্ট্রেশন অ্যাসিস্ট্যান্ট পদে ১ জন, ফিল্ড সুপারভাইজার পদে ১ জন ও কাউন্সেলর পদে ১ জন এবং কক্সবাজারে ফ্যামিলি ওয়েলফেয়ার ডিভিটর পদে ৩ জন; 'আইসিডিডি' প্রকল্পে ময়মনসিংহ/জামালপুর/শেরপুর/নেত্রকোণা ও কিশোরগঞ্জে ডিভিশনাল কো-অর্ডিনেটর পদে ১ জন, এলএডিসি পদে ৫ জন ও লাইভলিহুড ফ্যাসিলিটর পদে ৭১ জন; 'পিপিইপিপি' প্রকল্পে নিকলীতে প্রোগ্রাম অফিসার (লাইভলিহুড) পদে ১ জন; সমৃদ্ধি কর্মসূচির দাসেরবাজারে স্বাস্থ্য পরিদর্শক পদে ১ জন; অফিস সহকারী পদে ক্ষুদ্র অর্থায়ন কর্মসূচির মৌচাক ব্রাঞ্চে ১ জন, হোসনাবাদ ব্রাঞ্চে ১ জন, বাসাবো এরিয়া অফিসে ১ জন, পুঠিয়া এরিয়া অফিসে ১ জন ও চুয়াডাঙ্গা এরিয়া অফিসে ১ জন এবং সিএম-১/সিএম-২ ও এবিএম পদে ১৩১ জনকে নিয়োগ প্রদান করা হয়েছে।

কর্মী কল্যাণ তহবিল, সিপিএচ ও অনুদান প্রদান

জানুয়ারি ২০২৪ মাসে সিপিএফ হতে ৪৯ জন কর্মীকে ৪৭,২১,১৫০/- টাকা এবং কর্মী কল্যাণ তহবিল হতে ৪৯ জন কর্মীকে ১,৪৯,৭০০/- টাকা ফেরত প্রদান করা হয়েছে। এছাড়া কর্মী স্বেচ্ছা সঞ্চয় ও বিমা প্রোগ্রাম থেকে ৪৯ জনকে ৬,৯০,৩৮১/- টাকা এবং কর্মী কল্যাণ তহবিল হতে ১৭ জনকে ২,৯৫,৫২৭/- টাকা অনুদান হিসেবে প্রদান করা হয়েছে।

পাবলিকেশন ও ডকুমেন্টেশন সেকশন কর্তৃক প্রণয়নকৃত মাসিক ই-নিউজে আপনার আওতাধীন কার্যক্রমের প্রতিমাসের গুরুত্বপূর্ণ সংবাদ পরবর্তী মাসের ৫ তারিখের মধ্যে zahid@padakhep.org ই-মেইলে জমা প্রদানের আহবান করা হলো।

এস টাওয়ার, বাড়ি নং-২৮/১, পশ্চিম তেজপুরী বাজার, তেজগাঁও, ঢাকা-১২১৫, বাংলাদেশ।
ফোন : ৫৮১৫১১২৬, ০১৭৫৫-৬৪৭৭৯১, ফ্যাক্স : ৮৮০-২-৮৮১১৭৯৯৪
E-mail : pmuk@padakhep.org info@padakhep.org, Web: www.padakhep.org